



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

4. Aliæ in Monasterio Carronensi turbæ.

urn:nbn:de:hbz:466:1-38277

tur aliae, & ferociores litterae, quibus ignaviam, morasque incusabat, urgebantque judicium felinari. Territi Judices, & dicta sententiæ dies. Adfuit Archiepiscopus, & vultu minaci, ac funesta promittente aulam invectus, vehementi oratione in Vicarium Apamensem declamavit, eo digresso, omnium votis damnatus ad mortem est. Ferunt ex judicibus unum assurrexisse, & his verbis collegas allocutum: *Nemo deinceps magnam timoris vim, mirumque esse negaverit: ecce enim, quem omnes innocentem creditis, omnes damnatis!* Nec clementior executio fuit, cum enim Vicarius aut lateret, aut dilapsus esset, ejus simulacrum paleis, & centonibus suffultum, & ne quid ludibrio abesset, religioso amiculo testum plauso impo- nunt, totaque Civitate circumducunt, & tandem eo loco, quo puniri solent malefici, aut laqueo, aut gladio finiunt: nihil poterat Londini, aut Genevæ saevius fieri; sed omnia superabat, Religiosum, & Sacerdotem plesti accusante Archiepiscopo: nec facile par exemplum reperies; haec tenus enim veniam reis impetrare, non urgere supplicium, Episcopis mos erat, nisi forte plus in hominem innocentem, quam reum licebat, & quod Romæ absolutus esset, delictum onerabat. Additum sententiæ fuerat, ut effigies Joannis Cerles magni Vicarij, Apamijs, aliquique præcipuis Ecclesijs eodem supplicio afficeretur, quod etiam factum: illud Apamijs contigit memoratu dignum, ut videlicet Lictor Apamensis nocte intempestâ cum uxore aufugeret, ne se tanto facinore impriaret; adeò ultimæ etiam fortis homines pudebat tam indigna sententiæ.

IV. Hæc in Gallijs, & præsertim Tholosano Archiepiscopatu agitantur; quibus ab Archiepiscopo Parisensi non dispar in forcunum acceferat. Caronæ Vico agri Parisini Monasterium visitur: illuc sacræ Virgines degunt, Congregationis B. Virginis Ordinis Canonicorum Regularium S. Augustini, Auctore Petro quodam Fourier ejusdem instituti viro, & notæ in Lotharingia pietatis. Earum aliquæ bellis Lotharingiam vastantibus in Belgiam migrarunt, ubi cùm Aurelianensi Ducissa insigni morum innocentia placuisse, eandem extincto Richelio Cardinali in Galliam comitatæ, haud procul Parisios confedere; illic suis sumptibus Monasterium Ducissa exerat, (a) & dote instruxerat,

(a) Anno 1643.

impeta-

impetravitque ab Alexandro Pontifice, (a) ut Magdalena quædam eidem Monasterio perpetuò præset; quamvis ex Regulæ instituto triennio tantum durarent, & Matris non Antistite nomine; sed adjecta conditio, ut extincta Magdalenâ gratia finiretur, & triennales Matres, electæque Virginum suffragijs redirent. Sed quod fieri amat, ea gratia alias incedit, ut eadem potiri vellet. Magdalenâ morte sublatâ, alia quædam (b) Ordinis D. Benedicti obtentu Regij chirographi, & favore Archiepiscopi Parisiensis, Monasterij præfectoram occupat, prævenitque electionem, & interim Romæ agit, ut Diploma obtineat, quo ad solutorem ordinem transire possit, & Antistita confirmetur: ambitione necessitas prætexta, collapas Monasterij facultates reparandi. Romæ utrumque negatum, nec diu post vivis excessit. Videbatur Libertas eligendi redditæ; cum subito eodem Regis, & Archiepiscopi favore nixa alia quædam (c) ex Cistertio irrumpit, servis, epulis, pompâque insignis: nec Matris nomine contenta, Abbatissam ferens; hanc quoque instaurandæ Oeconomiæ, frugalem scilicet, parcâmque sumptuum, necessariam dicebant, nec aliam toto ordine reperiri. Sed cum Romæ impetrari Bullæ non possent, ingenio certatum est, ut Antistita esset, & perpetua quidem, non tamen diceretur. Jubet ergo Archiepiscopus, officio fungeretur, dum Bullæ Româ venirent; at certum erat, nunquam venturas Pontifice invito: sæpe Archiepiscopo, Parlamento, Regique à sacris Virginibus supplicatum, sed nunquam auditæ: diu cum intrusa lucretiae sunt, dum tandem effractis foribus, & vi adhibitâ, magna cum sæcularium manu Monasterium irrupit, sacris Virginibus aras amplexis, & Amazonem aversantibus. Hæc ubi Romanum pervenire, non potuit Romanus Pontifex Innocentius XI. se Patrem obliuisci, datoque ad afflictas, oppressasque diplomate, libertatem eligendi reddit, (d) omnique obedientiâ in feroce illam armatâque Antistitam solvit.

Hæc ferè sunt, quæ ab Anno MDCLXXIII. usque in annum MDCLXXXII. contigere; quæ quanti momenti sunt, quâmque Ecclesiasticam disciplinam, & immunitatem offendant, vulnerent-

M 3

que,

(a) Anno 1657. (b) Madama di Quervend. (c) Angelica le Maitre. V. Regale Sacerdotium, fol. 13. (d) Anno 1680.

nihil attinet dicere, se ipsis enim clariora sunt, quam, ut exponi debeant, & forte in locis Catholicae Religioni sacris nihil simile antiquitas vidit, saltem nihil pejus. Nova, gravisque servitus Ecclesijs imposita; termini, quos Universale Concilium posuerat, submoti: anathemata, quæ idem Concilium inflixerat, contemplata: quatuor sæculorum possessio, quæ pessimam etiam causam tueretur, turbata: Canones Sacri, imò totum Concilium Lugdunense prophanis tribunalibus adstare jussum, ibique ut Parlamento videretur, causam dicere: Episcopi nec clementius, quam si prophani essent, habiti, nullâ ætatis, sacrâque ordinis reverentiâ: in Clerum verò, Deique servos velut in plebem, prædâ, exilijs, carceribus saevitum: putâsses antiquas persecutions fervere, nisi quod in ipsis plus sanguinis funderetur, in illis plus dedecoris. Illud verò quale spectaculum fuit, Sacerdotem, & Proepiscopum coram sæculari Magistratu ab Archiepiscopo accusatum, & quamvis innocentem omnes agnoscerent, damnatum, percutiuntque Carnificis manu? nam quod simulacrum, non ipse reus ceciderit, nihil flagitium mitigavit, infamiâ pœnam supplente. Additæ Sacrarum Virginum vexationes, adempta electio, Regule turbata, intrusa invitis Antistita, claustra, forésque violatae, migrationes ad laxiores ordines permisæ, quæ tamen omnium consensu soli Pontifici Romano reservantur, ejusdem Pontificis monita, minâque insuper habita, & denique in Conventu Parisiensi omni retro Antiquitatî, Canonibus, Conciliisque etiam Generalibus bellum indictum, perinde, ac si paucis Episcopis jus esset totam Ecclesiam turbandi, evertendique quatuor propositionibus, quæ Concilia Generalia exemplo, & doctrinâ stabiliverant, nec aliâ ratione id factum, quam ut Pontificis curas, à quo paternè monebantur, aliò averterent, bello domi accenso.

V. Suspirabat ad hæc Romanus Pontifex, & tempus, quod dolori supererat, quærerendis remedijs aptabatur. Dissimulatum diu, si forte, ut fieri solet, malum dilatione, morâque languesceret; neque hoc ignaviae, aut timoris, sed providentiae fuit; quædam enim silentio curantur, præfertim ubi pudet fecisse. Sed cum malum ingravesceret, additæ paternæ monitiones, quæ Regi, & Episcopis rei enormitatem ostenderent, & par animæ periculum,

nil